



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**


Medit. 13. De Nicodemo.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

4. Christus sapissimè prædicit Apostolis per-  
secutiones & odium Iudæorum, Gentilium,  
&c. ne inter patiendum deficerent, aut se de-  
ceptos putarent. Et tu (si aliorum curam ha-  
beas) conare eos non tantum ad bonam vitam  
adducere, sed in eadem retinere, vt proficiant;  
Neque tu ipse aut labore & contradictionibus  
tristeris, aut ab incepto defistas; quin potius  
plura faciendo ac patiando, coronam tuam in  
cælis augeas.

5. Iudæi ac Gentiles, vt phrenetici in Apo-  
stolos (Medicos ac Doctores) insurrexerunt,  
eosque occiderunt, quos postea (ad Deum cõ-  
uersi) honorarunt. Id ipsum etiamnum, inter  
hæreticos ac malos Christianos euenit, qui  
pios Doctores ac Deo addictos persequuntur.  
Tu exemplo Apostolorum, ad acerba omnia  
pro Deo perferenda præpares, sciens summam  
esse caritatem, si animam pro Deo ponas.



MEDITATIO XIII.  
DE NICODEMO.

PVNCTA MEDITATIONIS.

- I. *Nicodemus, Princeps veniens ad IE- Ioan. 3.  
SVM noctu, petijt, instrui, agnos-  
cens eum Magistrum à Deo missum,  
ob signa, &c.*
- II. *Christus prædicans ei baptismũ & spi-  
ritalem vitam ait: Nisi quis renatus  
fuerit*



fuerit ex aqua, & Spiritu sancto non intrabit in regnum Dei. Quod natum est ex spiritu spiritus est, &c.

III. IESVS post longam instructionem, de cruce concludit: Sicut Moyses exaltavit serpentē in deserto; ita exaltari oportet filium hominis.

---

F I G V R A.

**Num. 21. 9** **C**VM Israelitæ in deserto, ob crimen murmurationis à serpentibus ignitis occiderentur, mandauit Deus Moyfi, vt serpentum æneum (Christi repræsentationem) erigeret, vt qui aspicerent, sanarentur.

---

P R O P H E T I Æ.

**Eccl. 6. 36.** **S**I videris sensatū, euigila ad eum, & gradus ostiorum illius exterat pes tuus.  
**Pf. 33. 6.** **A**ccedite ad eum & illuminamini, & facies vestra non confundentur.

---

D O C V M E N T A.

1. **N**ICODEMVS Princeps, legis Doctor &c. potius ob respectus humanos impeditur ad Christum accedere, adeo vt notu veniat. Vt discas bona fortunæ, nobilitatem, doctrinam &c.) sepe salutem impedire.
2. Christus magna cum sapientia cum Nicodemo agit. Nam non reprehendit statim initio



MEDITATIONVM. 495

tio vel ruditatem eius, vel timiditatem (quod metu humano, noctu veniret, &c.) Sed prius in medio sermone post doctrinam traditam: es Magister in Israel & hæc ignoras? *vti assuescas* & tu, cum hominibus rudibus & imperfectis, patienter & prudenter agere.

3. Instruit eum de præcipuis mysterijs fidei, scilicet, de Baptismo, SS. Trinit. poenitentia, incarnatione, signo crucis, passione, ascensione, vita spiritali & æternali, vt tu, & in horum cognitione, præ alijs, proficere studeas, & alios, cum quibus agis, pro captu instruere.

4. Sicut infans ob peccatum originale, regni cœlestis spem habere non potest, nisi renascatur ex aqua & Spiritu sancto (per baptismum) ita, & peccator ob mortale admissum nequit saluari, nisi per baptismum lacrymarum (in dolore & contritione) ac per gratiam Spiritus sancti; *Vt natus ex Spiritu*, viuat non secundum carnem, sed secundum spiritum, ambulans (ait Apostolus.)

*Gal. 5.*

5. *Exaltari oportet Filium hominis*: Christus sapius de sua passione loquitur, tum quia Deus per illam præcipue mundum redimendum statuerat; tum etiam propheta sapissime eandem prædixerant, & varijs typis ac figuris repræsentarant. Vt tu in eiusdem passionis lectione, meditatione atque imitatione occupes in ea; acquiescas.

6. Sanctissimam Eucharistiam, in eiusdem passionis commemorationem fieri, ac sumi voluit, vt intelligas hoc esse vnum ex præcipuis medijs ad conuersionem peccatoris, & vitam nostram piè, sancteque instituendam.

7. *Exaltari oportet*. Non tantum, quia toties à Prophetis prædictum fuerat; sed quia Deus PATER ab æterno ita decreuerat; & FI-



FILIVS ipse, ex infinito in genus humanum amore, lubens, volensque assumpserat. Ut infinitam SS. Trinitatis caritatem agnoscas.



## MEDITATIO XIV.

### DE EPVLONE

AC LAZARO.

#### PVNCTA MEDITATIONIS.

*Luc. 16. I. Diues quidē indutus purpura & bysso, vivebat splendide, pauperi nihil tribuens, hic mortuus est, et sepultus in inferno.*

*II. Mendicus autem Lazarus, vlceribus plenus, iacens ad portam ducitis, nec miccas obtinebat: huius animam Angelus tulerant in sinum Abrahae.*

*III. Diues in flammis constitutus, vidit Lazarum petijt guttam aquae vt refrigeraretur. Sed Abraham respōdit: Recordare quod tu, in vita recepisti bona; Lazarus mala. Nunc hic consolatur; tu cruciaris.*

---

#### FIGVRA.

**I**ACOB filios Iosephi benedicturus, manus cancellatim imponendo, ei, qui à dextris